



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

3. Childericus Francorum Rex, eiusq[ue] vxor Blidechildis, dant S. Amando,
Traiectensi ad Mosam Episcopo, villam Barisiacum, in agro Laudunensi
sitam, an. 656. aut 665.

urn:nbn:de:hbz:466:1-10903

uastationem, ijsdem Christi seruitoribus penuria vltra modum ingruerit, & per thesauri effusionem expelli nequuerit, Dei omnipo-tentis, & mei meorumque successorum habeant licentiam, allodium è familia, à fi delibus illis contraditum, dandi & vendendi, ante quam Dei destruantur seruia.

Et vt istius chartulæ confirmatio firma in æuum permaneat, describi eam præcepi, & nostro sigillo eam inde confirmavi. Actum *Anno* pridie Nonas Aprilis, anno regni nostri XII. Moguntiæ fideliter, 640. amen.

Signum DAGOBERTI.

HEINRICVS Cancellarius, ad vicem Ruolni Archicapellani, re-cognoui.

N O T A T I O N E S .

Diplomatis huius autographum hodieque in archiuis Abbatiae S. Maximini adseruari dicunt; quod an. 1624. illius loci Abbas R. P. Heriberto Rosvveido, Soc. Iesu Theologo, ostendit.

S. MAXIMINVS) Treuerorum Archiepiscopus S. Athanasium Patriarcham Alexandrinum, Treueris exulantem, anno 336. excepit. Sardicensi concilio, vnâ cum S. Seruatio Tungrorum Episcopo, an. 347. interfuit. Triennio pòst, cum eodem Seruatio, à Magnentio ty-ranno, ad Constantinum Imp. in Orientem missus est. *Anno* Martyrolo-gium Rom. 19. Maij consule.

S. AGRITIVS) claruit Constantini Magni Imp. temporibus, & concilio Arelatenſi secundo interfuit. Missus est autem Treueros à S. Siluestro Papa & S. Helena Imperatrice, sacratissimis donis, ut Tunica Domini inconsutili, uno clauorum Crucis Dominica, & corpore S. Matthie Apostoli, honoratus ab eisdem: quæ hodieque Treueris ho-norifice adseruantur.

C A P V T I I I .

Childericus Francorum Rex, eiusque uxor Blidechildis, dant S. Amando Traiectensi ad Mosam Episcopo villam Baristacum, in agro Laudunensi sitam, anno 656. aut 665.

CHILDERICVS Rex Francorum, & BLIDECHILDIS Regina, vi-
cro illustri BERTVINO Comiti, & BERTELANDO Vicario.

A 3

Meritò

Merito largitatis nostra munere subleuantur, qui pro parentibus nostris vel etiam pro adolescentia nostra etate famulantur. Preinde cognoscat magnitudo vel utilitas vestra, quia nos propter nomen Domini vel amorem caelestem, Apostolico Patri nostro AMANDO Episcopo, villam nostram nuncupatam BARISIACVM, sitam in pago Laudunensi, quam usque nunc Fiscus noster tenuit, promptissima deuotione, cum uniuersis villulis ad se adspicientibus, & cum omni integritate ad se pertinente, concedimus & concessam esse volumus.

Quapropter auctoritate nostra praesenti decernimus ac iubemus, quod in perpetuum volumus esse mansurum, ut ipsam villam memoratam BARISIACVM, cum omnibus ad se pertinentibus, tam in terris, domibus, vineis, filiis, pratis, pascuis & mancipijs ibidem commanentibus, sicut Fiscus noster ibidem tenuit ac possedit, & ipse Pontifex Dominus AMANDVS, ad opus monachorum suorum, absque villa contradictione vel diminoratione, teneat ac possideat.

Sic igitur in integrum hoc nostrae concessionis beneficium firmum esse volumus. ut iam dictus Pontifex de ipsa villa Barisaco, & de rebus ad eam pertinentibus habendi, tenendi, feda exigendi, mansiones faciendi, dandi, commutandi, vel quidquid elegerint, facienda, liberam ac firmissimam, per nostram auctoritatem, habeat potestatem.

Insuper omnes successores nostros per nomen Domini adiuramus, ut nullus eorum ipsam villam, cum omnibus ad se pertinentibus, Domino Patri AMANDO, vel suis monachis auferre praesumat, vel villam inquietudinem faciat. Quod, quicumque est ille, fecerit, iudicium porret, & sententiam damnationis incurrat.

Et ut haec auctoritas, circa ipsum Pontificem & monachos eius, firmior habeatur, & per tempora succendentia perpetuo conseretur, & ego, dum propter imbecillam etatem minimè potui subscribere, manu propria subtersignavi, & Regina subterscripsit.

Signum CHILDERICI Regis.

BLIDECHILDIS Regina subscrispi.

Anno
656, aut
665.
Datum sub die Kalend. Augusti, anno II. regnante Domino
nostro CHILDERICO Rege.

NOTA-

N O T A T I O N E S .

CHILDERICVS) seu Hildericus, Clodouæ Regis filius minor, an. 655. à patre suo Rex Austrasie constituitur; vt Aimoinus lib. 4. cap. 42. & Sigebertus in Chronicô tradunt. Anno 664. Lothario Francorum Rege defuncto, idem Childericus à Francis ad regnum euehitur, & an. 667. à Bodilone viro nobili (quem ceciderat) occiditur. Childerico succedit Theodericus frater; cuius diploma infra recitabimus.

Diploma istud, si à Childerico in Francia regnante datum sit, ad annum Christi 665. aut 666. est referendum: si à regnante in Austrasia; ad annum 656. aut 657. referas, licet.

C A P V T I V .

*Theodericus I. Francorum Rex varia prædia donat monasterio
S. Vedasti, apud Artestos, in urbe Atrebatenſi ſito.*

IN nomine sanctæ & indiuiduæ Trinitatis. THEODERICVS gratia Dei Rex. Idcirco potissimum collatam nobis à Deo credimus Imperij dignitatem, vt in tutela & augmento sanctæ Catholice Ecclesiæ ipfius piam exequamur voluntatem.

Quapropter nouerit omnium fidelium nostrorum, tam futurorum quam præsentium solertia, quod adierunt Celsitudinem nostram monachi ex monasterio quod vocatur NOBILITACVS, vbi pretiosus confessor Christi VEDASTVS corpore quiescit, humiliter postulantes, vt regale decretum nostrum super villis, quæ nostra munificentia iam libi cesserant, firmari iuberemus, vt quæcumque ex inspiratione diuina ipsis contuleramus, imperiali edicto & sigillo ad perpetuitatem statueremus.

Igitur pro salute tam successorum quam antecessorum nostrorum, videlicet Regum vel Imperatorum & pro totius statu regni, inspirante Rege omnium Regum Deo, præfato monasterio & monachis inibi Deo in perpetuum famulantibus regali liberalitate confirmamus, quæ iam eadem liberalitate concessimus, ad matriculam scilicet ecclesiarum, in Atrebato pago Athcas, Felci, ad portam ecclesie